



क्रिकेट जां हाकी च अस गेंद गी बैट जां डंडे कन्नै स्ट्राइक करने आं।

हाकी च, जिसलै कोई गेंद गी मारदा ऐ, तां दुए खढारी गी इसगी हासल करना चाहिदा। गेंद गी स्हेई चाल्ली हासल करने कन्नै असेंगी गेंद पर नियंत्रण हासल करने च मदाद मिलदी ऐ।


आओ अस सिक्खचै जे स्कोर करने आस्तै गेंद्र गी कि'यां मारना ते हासल करना ऐ!











कदम अग्गें बधांदे होई बैटै गी अग्गें आहृनियै मूंढें ते लक्कै गी घुमाओ।



अपने हत्थें गी पूरी चाल्ली कन्नै फलाईयै ते गेंदु पर अक्खां रखदे होई उसपर बैटै कन्नै वार करो।


हिट करने दे परैंत्त, बैटै गी अपने शरीरै दे कन्ने अग्गें तगर घुमाओ जि'यां के चित्तर च दस्सेआ गेआ ऐ।

शिक्षक आस्तै नोट

जिसलै ञ्याणे हिटिंग कौशल हासल करने दा भ्यास करदे न ते हेठ दित्ते बिंदु<mark>एं गी जकीनी बनाओ —</mark>

- 1. स्टांस: पैर मूंढे दी चड़ाई दे बराबर खुल्ले होङन, गोड्डे थोहुड़े झुके दे ते <mark>अक्खां म्हेशां गेंद पर अकागर</mark> रखदे होई सज्जी जां खब्बी बक्खी मुड़दे होई खड़ोङन ।
- 2. ग्रिप (बैटै दी पकड़): प्रमुक्ख हत्थ म्हेशां उप्पर होंदा ऐ ते गैर-प्र<mark>मुक्ख हत्थ गी हैंडल पर ख'ल्ल बल्ले दे</mark> खीरा च रक्खेआ जंदा ऐ जि'यां के उप्पर दित्ते गेदे चित्तर च दुस्सेआ गेआ ऐ।
- 3. हिटिंग (वार): अग्गें दे पैरै पर अग्गें बधदे होई, लक्के ते मूंढे गी घुमांदे होई गेंद पर अक्खां अकागर रखदे होई बाहमें गी पूरी चाल्ली कन्नै फलाइयै गेंदै दे संपर्क बिंदु पर वार करना।
- 4. फालो थ्र: उप्परला शरीर बैटै दे कन्नै अग्गें आहली बक्खी घूमदा ऐ ते गैर-प्रमुक्ख हत्थ दे मूंढे पर मुकदा ऐ।

हाकी कन्ने गेंद्र हासल करना





शिक्षक आस्तै नोट


जिस<mark>लै ञ्याणे सोटी कन्नै गेंद हास</mark>ल करने दा भ्यास करदे न ते हेठ दित्ते बिंदुएं गी जकीनी बनाओ — -

- स्टांस: पैर मूंढे दी चड़ाई दे बराबर खुल्ले होन, गोड्डे थोहुड़े झुके दे ते शरीर गेंद आहुली बक्खी होऐ।
- 2. पकड़ (ग्रिप): सोटी गी दौनें हत्थें कन्ने बल्लैं-बल्लैं पकड़ो।
- 3. अंदाज़ा लाओ: गेंद दे रस्ते दा अंदाजा लाओ, शरीर गी हेठ झकाइयै रक्खो ते जरूरतै मताबक शरीरै गी समायोजत करो।
- 4. हासल करना (रिसीविंग): गेंद कन्नै लग्गने आह्ले झटते दे असर गी घट्ट करने आस्तै लचीले हत्थें कन्नै हाकी गी पकड़दे होई गेंद दी दिशा च थोहड़ा जनेहा झुको ।

बीएम 13 गुबारे पर वार करना जरूरी समग्गरी गुबारे

कि'यां खेढना ऐ

- इक गुबारा लैओ ते खेढ खेत्तर च इक खु'ल्ली थाह्र तुप्पो।
- सीटी बजने पर गुबारे गी ब्हाऊ च सुट्टी देओ ते अपनी उंगलियें कन्नै गुबारे पर वार करने दी कोशश करो। गुबारे गी धरती पर नेईं पौन देओ।
- हून इसगी हर टीम पञ्ज गुबारे लेइयै खेढै। इक निर्धारत समें दे परैंत्त, ब्हाऊ च बद्धोबद्ध गिनती च गुबारे आहलियां टीमां जित्ती जंदियां न।



शिक्षक आस्तै नोट



उद्देश हत्थ-अक्खें दे तालमेल ते समें च सधार करना।

बन्न-सबन्नतां

- जोड़े बनाओ ते गुबारें गी अंग्गें-पिच्छें इक दुए तक पजाओ ।
- उंगलियें कन्नै मारने दे बजाय मूंह्
 कन्नै फूकर मारियै गबारें गी हेठ पौने
 शा बचाओ ।


सर्कल समां स्टार ते विश


बीएम 14 शरीर ते गुबारा

जरूरी समग्गरी गुबारे

कि'यां खेढना ऐ

- शिक्षक कोला इक गुबारा लैओ ते खेढ खेत्तर च इक सुरक्खत थाह्र तुप्पो।
- सीटी बजने पर, गुबारे गी ब्हाऊ च सुट्टी देओ ते इसगी अपनी हथेलियें जां उंगलियें कन्नै मारने दी कोशश करो। गुबारें गी धरती पर नेईं पौन देओ।
- शिक्षक दे निर्देश अनुसार गुबारे पर अपने सिर, मूंढे, छाती, हत्थ जां ज'ङै कन्नै वार करो।





ध्यान ते अकागरता दा विकास, गेंदें दे ख'ल्ल पौने आहुले स्थान दा अंदाजा लाना

बन्न-सबन्नतां

• टीम बनाओ ते खेढो। गुबारे गी सबने थमां लम्मे समें तगर हवा च रखने आह्री टीम जितदी ऐ।

सर्कल समां स्टार ते विश

बीएम 15

साफ्ट बाल पर नियंत्रण

जरूरी समग्गरी

सोटियां

साफ्ट बाल कोन

कि'यां खेढना ऐ

- कोन गी बेतरतीब तरीके कन्नै खेढने आह्ले खेत्तर च रक्खो।
- हाकी गी उप्परा प्रमुक्ख हत्थै कन्नै ते हेठा दा दुए हत्थै कन्नै पकड़ो।
- सीटी बजने पर हाकी दी मदाद कन्नै गेंद गी कोनें दे बिच्च खाल्ली थाह्रा दे राहें धक्का देना शुरू करो।
- जि'यां-जि'यां तुस खीरले कोन तगर पुजदे ओ, गेंद गी रोको, दिशा बदलो ते परतियै धक्का देना शुरू करो।





उद्देश

कलाई ते उंगलियें दे नियंत्रण बल गी बदलने आस्तै समझ दा विकास।

बन्न-सबन्नतां

शिक्षक आसेआ दित्ते गेदे
 निर्देशें दा पालन करियै खेड्डो,
 जि'यां सीधा जाओ, सज्जे
 मुड़ो, खब्बे मुड़ो बगैरा।

सर्कल समां

खेढने दे बाद खेढ उपकरणें गी बापस अपने थाह्रै पर रखने दे फायदें पर चर्चा करो।

बीएम 16 गेंद पास करने दा भ्यास खेढना

जरूरी समग्गरी


सोटी

साफ्ट बाल

कि'यां खेढना ऐ

- इक साथी तुप्पो। िकश दूरी पर इक-दुए दे आमनै-सामनै खडोओ।
- हून गेंद गी सोटी कन्नै इक दुए दी बक्खी बल्लैं-बल्लैं
 अग्गें-पिच्छें धकाओ।
- जेह्ड़ा विद्यार्थी गेंद्र हासल करा'रदा ऐ, ओह् पैह्लें इसगी रोकग ते फ्ही इसगी बापस पास करग।
- किश भ्यास दे परैंत्त, गेंद गी पास करदे समें गित ते बल बधाओ।







उद्देश

चलदी गेंद दे मार्ग दा अंदाजा लाना, शरीर दे बक्ख-बक्ख अंगें दा इक दुए कन्नै ते सोटी कन्नै तालमेल स्थापत करने दी क्रिया दा विकास।

बन्न-सबन्नतां

- गेंद पास करने लेई तुस टेनिस रैकेट जां क्रिकेट दे बैट दा इस्तेमाल करी सकदे ओ।
- बक्ख-बक्ख अकारें दी गेंदें दा
 इस्तेमाल करो।

सर्कल समां बल गी बधाने ते घट्ट करने च मांसपेशियें दी भूमका पर चर्चा करो।

बीएम 17 स्कायर च स्कूप जरूरी समग्गरी सोटी मार्किंग पाउडर

साफ्ट बालां



कि'यां खेढना ऐ

- चित्तर च दस्से अनुसार, घट्ट थमां जैदा दूरी बधांदे होई वर्ग बनाओ।
- क्लासै गी टीमें च बण्डो, हर इक टीम च बराबर गिनरती
 च विद्यार्थी होन। हर इक टीम गी कतार च खड़ेरो।
- हर इक टीम गी इक सोटी ते इक साफ्ट बाल थ्होग ते ओह हेठ दस्से अनुसार खेढङन।
- टीम दा पैह्ला खढारी साफ्ट बाल गी स्कूप करदा ऐ तां जे गेंद पैह्ले वर्ग च डिग्गी सकै। जे गेंद ठीक पैह्ले वर्ग च पौंदी ऐ, तां दूआ खढारी दुए वर्ग पर लक्ष रक्खदे होई साफ्ट बाल गी स्कूप करदा ऐ। खढारी अगले वर्ग आस्तै लक्ष रखदे होई स्कूपिंग करदे रौह्डन, जिसले तगर स्कूप कित्ती गेंद मनचाहे वर्ग तगर नेई पुजदी।
- दित्ते गेदे समें च बद्घोबद्ध कामयाब स्कूप आह्ली टीम
 खेढ जित्तदी ऐ।



शिक्षक आस्तै नोट



उद्देश इक जां मते प्रयासें दे बाद गेंद गी अपनी मनचाही जगह स्कूप करने च कामयाब होने कन्नै आतम-विश्वास पैदा बधदा ऐ।

बन्न-सबन्नतां

- बक्ख-बक्ख आकृतियें जि'यां घेरा, आयत बगैरा दा इस्तेमाल करो।
- इक दुए दे अग्गें वर्ग बनाओ ते वर्गें दे बिच्च खाल्ली थाहर नेईं रक्खो ।

सर्कल समां स्टार ते विश

यूनिट 1: बुनियादी मोटर मूवमेंट

बीएम 18 स्टिक कन्ने हासल करना

जरूरी समग्गरी सोटी साफ्ट बालां

कि'यां खेढना ऐ

- इक सैह्पाठी दा चनाऽ करो ते ओह्दे कन्नै जोड़ी बनाओ।
- इक-दुए शा किश दूरी पर खड़ोओ।
- गेंद गी मारने आहुला खढारी हाकी लेइयै द्रौड़दे होई गेंद हासल करग ते परितयै गेंद्र गी साथी खढारी गी पास करग । भूमकां बदलो ते खेढदे र'वो ।

